

a2^r

Dem Hochgepornen Fürften
vnd herrn/ herrn Georgen Grauen zů
Wirtenberg vnd Mümpelgart/ meinem Gnedigen
Fürften vnd herrn. Gnad/ barmhertzigkeyt vñ
frid von Gott dem vatter vnnd vnferm
herrn Jefu Chrifto.

HOchgeporner fürft

Gnediger herr. Es würt freilich
niemandt der Chriftum erkañt/ vnd fich an jn
ergeben hat/ leügnen mögen/ das die Chriften
jres heylands vnnd meifters Jefu Chrifto leer
vnnd beuelch/ nienañ her baß dann auß den
Euangelifchen vnnd Apoftolifchen büchern
fallen mögen/ dariñen dañ der eingeporn fun
der in der fchoß des vatters ift/ lebt/ athmet/
handlet vnd redet: Vnd das diß der felben fey-
ner leer fun vnnd kurtzer inñhalt ift. Das wir menfchen verftanden/ dz alle vn-
fer hoffnung auff gott foll gefetzt fein/ der vns freywillig vnd vmb funft alle
ding durch Jhesum Chriftum feinen fun zůftellet/ durch des todt wir erlößt/
in des leib wir durch den tauff eingepffet feind/ auff das wir abfterben dē
begirdē difer welt/ vñ nach feiner leer vnd exempel gantz vnfer lebē anrichtē.
Welcher herr Jefus Chriftus ein himlifcher lerer/ wie fein Euangelion ein
himmelreich gnant/ ordenlich weyfet/ das er ein gantz neüw volck auff erdrich
angericht habe/ welchs auch gar himlifch gefyñet were/ vnd fo es mit keinem
weltlichen gſchafft beladen/ in ein andern weg reich were/ in ein andern weg
weiß/ in ein andern weg edel/ inn ein andern weg mächtig vnnd glücklich.
Welches volck auch durch verachtung aller ding/ fo in der welt groß gſchetzt
werden/ die feligkeyt erlangte. Welches volck nit wüßte neid oder haß/ nãm-
lich eins gantz einfeltigen augs. Welchs nichts wüßte von aller onlauterkeit
als das frey willig fich vmb himmelreichs willen verſchnitten hette/ vnnd ein
Englifch leben im fleifch lebte. Wüßte nit dem geldt nach zůftellen als deffen
ſchatz im himel hinderlegt were. Welches von üppiger eer nit gekützelt wur-
de/ als das auff des einigen Chrifto glori vnnd herrligkeyt alle ding richtete.
Nitt wüßte hochfart/ als ein volck/ das ye gröffer es were/ ye mer es ſich vñ
Chriftus willen yederman vnderwürffig mächte. Welches nit wüßte auch
angereizt vnnd auffpracht weder zů zürnen/ oder zůflüchen/ ich gelchweig
ſich ſelbs zů rechnen/ nãmlich ein volck das ſich beſliffe denen gütts zůthun/ die
yhm übels zůfügten. Welches fo vnſchuldige fitten vnd geperden hätte/ das
ſy auch von den heyden vnd ongleübigen gerhümet wurden. Welches nach
einfalt vnd reynikeit der Jungen kinder gleichſam widergeporn/ vnnd nach

Leer Chrifto
auß dē Euā
gelien vnnd
Apoſtel ge-
ſchriſſten.

Der leer
Chrifti fun

Ein volck
Chrifti des
himlifchen
lerers.

Himlifch.

On neid.

Keüfch.

On geitz.

nit hofertig.

Nit rachgi-
rig.

Onſchuldig

Einfeltig
wie kinder.

dem exempel der vōgel des himels vnnd der blūmlin des felds/ on forgfeltig=
keyt tåglichs lebte. Vnder welchem volck die hōchft eynigkeit/ vnnd ein hertz
A ij were/

Nit forgfel=
tig.

a2^v

Vorred

Gantz eins vñ hertzlich in liebe.	were/ vnd nit anders/ dañ wie die glider an einem leib feind. Vnder welchem ein hertzlich liebe alle ding zúm dienft des nechsten anrichtet. Auff das wa etwas güts vorhanden were/ das mañ dem zühülf kóme/ dem daran feelet/ vñ wa dañ etwas böfes das folches eintweders hingnummen/ oder durch dienft vnd freüntfchafft gemilert wurde. Welches volck auch durch den hiñlích en geift vnd lerer witzig vnnd verftendig were. Welches dem exempel Chrifti nach alfo lebte/ das es ein faltz vnd liecht der gantzen welt were/ ein ftatt auff eim erhóchten ort/ die von menigklich móchte gefehen werden.
Witzig vnd verftendig.	
Gütts exem pels.	zúletft welches volck alles fein vermógen/ allen menfchen zühelffen darftreckette. Dem difes gegenwertig lebē fchnód were/ in anfehung des ontódtlichen/ das den todt auß begird der ontódtlikeyt erwünfchte. Vnd was dann für widerwertikeyt einfiele/ die felbig felt vnd tapffer tuldette inn hoffnung zúkünfftiger belonung/ die dann fo Chriftus widerkommen allen frummen gwißlich geleüftet würt.
Auffs ewig lebē trechtig	
Hieroni mus oder Sophroni us in Catalo go ecclefiasti corum fcrip torum.	So dann nun wir Chriften ein folch göttlich vnd hiñlích leer lernen wóllen/ warumb folte vns einiger anderer lerer baß gefallen dañ Chriftus? Oder wa wir ein form vnd weiß zúleben erforderten/ welche folte difer/ die der weg die warheyt vnd das leben ift fürgefetzt werden? Dañ ye difer leerer von himel kummen/ allein gwiffe ding leret/ als der die ewig weißheit ift/ allein heil fame ding predigt/ als der des menfchlichen gefchlechts heyland ift/ allein mit der tadt alles außgericht das er geleret/ vnd allein beweyfen mag das er verprochen. Vnnd wiewol durch xv. hundert jar einher vil theurer lieber vnnd hochgelerter meñer vnd Chriftlicher lerer in der allgmeinē kirchen vnd Chriftenheyt gewefen feind (wie inn Catalogo Hieronymi von den Chriftlichen fchreibern gemeldet/ vnd nit on fchmertzten/ dz fo vil koftlicher fchätz von büchern vndergangen/ vnd noch fo wenig übrig feind/ gelesen würt) die mit jrem fleiß vnd arbeit die heilig götlich gefchrifft außgelegt/ erórtet vnd gehandelt haben/ fo ift doch der felbigen nie keiner gwefen/ der nit glagt habe/ wie dann des hiñlích vatters zeügkniß von himel lautet. Math. iij. vnd. xvij. Yhn folle man hören/ Chriftus fey der gelieptft fun/ in dem der vatter ein wolgfal len habe. Welche Authoritet vnd anfehen jha keinem Concilio/ bifchoff/ vatter oder leerer gegeben ift. Nit das man fy nit auch hören vnb lefen folle/ vnd jn gehorfamen/ funder Chrifto fürnemlich/ vnd vñ Chrifti willen/ jnen fo ferr fy leren fchreiben vnd gepieten/ das Chrifto gmäß ift/ damit in warheit vō yn glagt werde. Der eüch höret/ der höret mich/ vnnd der eüch verfchmácht der verfchmácht mich.
Criftū folle man hören.	
Wie falt die lerer zühörē vnd zúlefen.	

Vrfach d⁹ ver
teütſchten
bücher.

Hiemit ich nun einem yeden gũthertzigen leſer gnũgſam rechenſchafft wil
gegeben haben/ das alle von mir verteütſchte bücher/ vnd nãmlich des theü-
ren heyligen Auguſtini bücher/ gar nit zũm abbruch des leſens Biblifer ge-
ſchriſt/ welche allein zũr leer/ ſtraff/ befferung/ zũr zũchtigung in der gerech-
tigkeyt das ein menſch gottes ſey on wandel zũ allem gũtten werck geſchickt.
ij. Timot. iiij. reychen ſollen/ fonder dieweil ſy nichts anders ſeind/ dann der
ſelbigen ein gegrũnt außlegung Collacion vnd vergleichung/ da die tuncklẽ
ort gegen den hellen gehalten/ vn̄ wa etwañ ein wolck dafür getretten/ man
doch die hell ſuñ darhinder ſehe/ das ſy zũ der ſuñen/ dz iſt heiliger gſchriſt an
reitzen vnd luftig machẽ ſollen. Vnd wie im ſprichwort d⁹ alten gſagt wirt/ der
den

a3^r

Vorred

den weg zum möhr nit weißt/ der sol ym ein bächlin fûchen/ das yn dahingeleytte/ das also diße bücher nit auß der gefchrifft/ funder in die gefchrifft hinein fûren follen/ vnd als bächlin fein/ damit man in das tieff mör der gefchrifft kumme/ dafelbs alle ding/ nach dem fy dem glauben enlich/ vñ der liebe fürderlich verftande.

Gleichnus.

Dann fo Bafilius die jüngling/ die er in chriftlichen fitten gewölt vnderweifen/ nit fcheüwet zû ermanen/ das fy die Philofophen vnd Poeten lefen/ vnd vnfer Auguftinus fein Licentium ad Mufas widerberüffet/ vnd Cyprianus gelopt würt/ das er des herren tempel mit Egiptifchem raub/ das ift/ mit heydnifcher kunft geziret/ foll ye nitt onlößlich/ ärgerlich oder fchädlich fein/ folliche chriftliche vätter vnd leerer zû lefen/ die alle yr fchreibē auff Chriftum gericht/ fein eer allein gefücht/ fein gnad/ barmhertzigkeit/ erwölung/ vñ beharrlichkeit fo hefftig gepryfen/ vnd ob fy fchon darzû yre vmbfchweiff/ exempel/ gleichnus/ philofophy/ dann helle/ dañ duncklere fprüch vnd reden geprauchten/ fo feind doch den reynen alle ding reyn. Tit. j.

Bafilius.

Auguftinus

Cyprianus

So bedarff es auch der onnöttigen forg nit. Als ob darüb dem Latein eini cher abbruch befchehe/ vnd man deft weniger in lateinifcher fprach ftudiere/ wañ folliche bücher in teütſch gelesen werdē. Es kan ja nit yedermañ latein/ vnd gott wolt/ das die fürfteher des volcks/ die hin vnd wider feind auff den pfarren/ fich yrs hohen befelchs die herd Chrifti zû weyden/ für die er fein rofenfarbes blüt vergoffen hat/ recht erynnerten/ vnd fo fye die Bibel/ alt vnd neüw Teftament/ die lerer der kirchen/ vnd die aller nützlichften Hiftorien/ im Latein zû lefen onuerftandts halben/ nitt möchten oder kündten/ das fye doch auffs wenigſts folliche bücher in Teütſchem zû lefen nit vnderlieffen.

Merck/
dem Latein
ift kein abbruch
Teütſche gütte
bücher babē

Es gehört ye zû rechtem predigen vnd vnderweyfen/ wie difer vnfer Auguftinus felbs auch fagt/ in büchern von Chriftlicher leer. Erflich fleiffig Gott vmb gnad vnd verftand bitten/ vnd vil betten/ nachmals ftudieren. Jfts nit im Hebraifchen/ Griechifchen vñ Latein/ welches doch fürnemlich fein folt/ vnd der herr diße fprachen am creütz gefegnet hat/ fo feyes im Teütſchen/ od⁹ in eing yeden mütter fprach/ auff das ein yede zung bekenne vnd erkenne das Jefus Chriftus fey in der herrlichkeit des vatters. Philip. ij.

Pfarrer.

Betten.

Studieren.

Wiewol ich hiemit auch mich nit fchämme ferrer anzûzeigen mein vileicht thorecht einfalt/ die mich vntz hieher vom jar. xxviii. biß auff. xxxiiij. getribē hat/ erflich die Chronick Eufebij/ vnd ettwas Tertuliani/ vnd Cypriani. Jtem Joſephum/ Egeliſippum/ Auguftinum/ vnnd den ich noch vnderhanden hab/ den war Edlen vñ guldin Johannem Chryfoftomum über die Euangeliften/ fampt dem theüren büch gnant Vnio diffidentium/ das ift/ vergleichung vnd vereynigung der fprüch fo wider einander erfcheinen auß allen alten Chriftlichen leerern zû fammen tragen/ zû verteütſchen. Das ich

Rathſchlag
des verteütſchers
ettliche jar
einher.Johannes
Chryfoſto.

Vnio diffi

(wie dann onzweifel mancher bidermann meer) die grewlich onordnung
 vnnd zerrüttung in chriftlicher kirchen/ nitt on ſchmerzen vnd mitleyden ge-
 sehen/ zû hertzen gefaffet/ vnd noch heüttigs tags. Vnnd namlich/ wie das
 füglich vnd bequem joch Chrifti vnfers lieben herren/ in glauben/ in leer vnd
 thaten/ mit mancherley ſatzung/ mit neben leer vñ mißbrauchen beſchwert/
 bey vilen auch die leer Chrifti gar vndertruckt/ oder auff menfchliche begird
 außgelegt/ das volck vom brunnen der waffer die ſpringen ins ewig leben/
 auff die wülten ftinckenden pfulen abgefûrtt/ vnnd alfo die kirch Chrifti/ fo

A iij etwan

dentum.

Zerrüttung
 in chriftlich-
 er kirchen.

a3^v

Vorred

etwan vmb yhrs gesponß willen/ des ftyr̄ fy gern gehórt/ veruolgun erlit-
ten ytzund in difen letften zeiten fo vil ettliche der felbigen fürfteher belangt/
gar ein verfolgerin worden ift. Will gefchweigen der manigaltigen/ feltza-
men vnd grewlichen fecten vnd fpaltungen/ vnd die fachen der maffen vnder
einander verwürret/ auffs höchft alfo kummen/ das ein wundern mag/ was
jha zû letft für ein end werden folte.

Kein entpö-
rung zû
wüñchen
darauß et-
was güts
folgen folte

Vnnd aber ye keinem liebhaber chriftlichs gemeines nutztes zû wüñchen/
wie etwan onerfarne vihfche leüt gefiñet feind/ d3 der Türck od⁹ ein anderer
Tyrañ kummen folte/ vnd durch ein grewlich empörung alle ding durch ein-
ander vermifchen/ damit auß fo eim wichtigen bößen ding zû letft etw3 güts
folgette. Darab fih dann onzweifel frumme hertzen auffs höchft entfetzen/
vnnd follich ongeftim̄ enderung ye nichts güts bringen/ funder das die fach-
en nummen ye länger ye ärger/ vnnd was auch den glauben belangte/ man
das menfchlich joch von fih fchütte/ vnnd aber dem Chriftlichen joch fih nit
vnderwürffe/ wie es dañ fchon anfahet/ das vil am Euangelio vernewger-
net/ im handel der Religion das feber gehabt/ erftmals gantz hitzig vnd ein-
brünftig/ yetzund leyder gantz kalt vnnd erlegen. Jha die Epicurifch fect die
oren herfür recket/ vnnd fih viler hertzen alfo offenbaren/ als ob yhn weder
an Gott/ Chrifto/ der Kirchen/ Sacramenten/ einiger frumkeit/ vnd wie es
mit den nachkummenen zû gon werde/ gelegen fey.

Am Euan-
gelio haben
vil vernew-
gernet.

Gegen denen vnd der gleichen übelen allen/ nichts dañ nun ein frey Chrif-
tlichs Concilium die beſte artzney fein möchte/ in dem geiftlich vnnd weltlich/
hoch vnd nider ſtandts/ geleert vnd vngeleerte/ alfo zû ſammen kómen/ das
yhr höchft anligen Gotes ehr/ gemeine erbarkeit/ vnd Chriflicher gemeiner
nutz/ yha meniglich alfo gefynnet were/ das man lieber wolte das Chrifus
durch Euangelifch gſatz weyt regnierte/ dann das man durch menfchliche
ſatzung vnnd gepott mit tyranny Chrifum in ein engheit einfchlüſſe/ nye-
mand feiner eygnen eer/ feines woluffs/ feins gewyñs halben/ zû reden/ rad-
ten vnd handeln/ verkneblet were.

Ein frey
chriftlich
Concilium.

Wa dann nun ein follichs recht Chriflich Concilium/ in kurtz oder lang/
werden folte (funft würt freilich nyemant gotts verftändig/ einigs andern
begerē) in dem on partheyifch richter/ die Hebraifch/ Griechifch/ Latinifch
vnnd Teüfch Biblen. In dem leer/ offenbarung/ gſang/ Cerimonien/ vnd
der gleichen zur befferung. Jndem Jus ſedentium/ das ift/ fo eim andern ge
offenbaret/ das der vorig ſtill ſchweige/ gelten folten. Jha meniglich darein
kummend/ dem willen gottes begerte zû gehorfamen/ dardurch dañ von ye-
der leer/ gar bald geurtheylt wurde/ vnnd welche geift auß gott weren oder
nit/ auch was zû endern/ ab zûthun/ zû gedulden vnd tragen/ wider anzüñe-
men/ oder faren laffen/ leichtlich entfcheiden möchte werden. Als dann were

Onpartey-
ifche richter
im Concilio.

Frumme

gotsförchti
ge leyen ge=
hören auch
ins Conciliū.

Nutz der
bücher Au=
guftini.

ich gantz getröfter hoffnung. Dieweil zû follichem wichtigen handel/ an dem der Chriftenheit/ vnd beuorab der Teüfchen Nation fo vil gelegen (jha follichs fagen/ yr genefen vnd verderben ftadt) nit allein Geiftliche prelaten/ Bifchoff/ Doctores/ gelerte vnd andere/ funder auch frumme/ gotsförchti=
ge Låyen/ von hohen vnnd nidern ftänden/ gebraucht folten werden/ das di=
fe teüfche bücher Auguftini des heiligen Bifchoffs vnd theüren leerers der kirchen/ Von Chriftlicher leer/ Von Glauben vnd wercken/ Vom Geift vn
büchftaben/ nechftmals/ vnd yetzund Von warer Religion vn Gotsdienft/
Von

a4^r

Vorred

Von glauben hoffnung vñ liebe Enchiridion gnant. Von warer vnſchuld. Von natur vnd gnad. Von fürfehung der heiligen. Vñ wie ein gût ding ſey beharlikeyt/ im truck außgangen/ nit wenigen nutz dem leſer bringen ſolten/ jha zûm bericht viler Chriſtenlichen ſachen/ zûr einigkeyt/ zû handthaben d̄z gût/ faren laſſen das böß vnd gott zûwider/ auch wie man das gmût mit götlich er gſchriſt täglich weyden vnd trencken ſolle/ hoch dienſtlich ſein ſolten. Dieweil diſer heilig biſchoff vnd lerer/ ſo nach bey der gſchriſt/ ſo treulich vñ weſelich die gſchriſt mitt gſchriſt außlegt/ den glauben durch Chriſtum die gnad Chriſti. 7c. ſo empfig treibt. Vnnd was rechtgelerte Theologen ſeind zû vnfern zeitten/ vns der heylig Auguſtinus faſt alle gegeben hat. Were auch kein böfer radt gwefen/ ſo auß den alten Chriſtlichen lerern vil ding durch die ſo zû diſen vnfern zeitten geſchriben/ das vñ minders haß willen ſy allweg mit namēn weren citiert vnd allegiert worden. So hat auch Auguſtinus ſouil geſchriben/ das wie Poſſidonius im lebē Auguſtini meldet/ kaum m̄glich iſt in eins menſchen leben/ die b̄cher alle zû leſen. Vnnd ſeine Lateiniſche b̄cher auch bey den alten in ſolchem anſehen gewefen/ das ſyß in Griechiſche ſprach laſſen vertolmetſchen. Vnnd aber auß allen b̄chern Auguſtini/ diße nechſt mals vnd yetzund verteütſchte/ meiner achtung nach (einem andern ſey ſein vrteil vngefangen) faſt die aller beſten ſeind.

Dann das b̄ch von warer Religion an den Romanianum geſchriben/ gantz gwaltigklich f̄rtregt/ das ein warer gott iſt/ das iſt drifaltigkeyt/ vater vnd ſun/ vnnd heiliger geiſt/ der mit warem gottes dienſt zûnereeren iſt. Vnd das der gottes dienſt nit ſein ſoll in vnfern fantaſeyen/ nit in vereerung menſchlicher werck/ nit in vereerung abgſtorbner menſchē/ nit in aberglaub der teüfeln/ nit in vereernng [sic] des erdtrichs/ vnnd waffers/ eins reynern oder faubern luffts/ der himlſichen leiber/ diſes lebens/ ſonder das gott allein anzûbetten vnd zû vereeren ſey.

So iſt das handtb̄chlin Auguſtini von glauben/ hoffnung vnd liebe an den Laurentium Enchiridion gnant/ über die maſſen ein nutzbares handtb̄chlin/ vnd auch der titel ſelbs gn̄gſam zûuerſton gibt/ gott geb/ wie Auguſtinus auch Laurentio w̄nſchet/ das der leſer hend nit mit einem kleinen b̄chlin erfüllet/ ſonder das hertz daruon mit groſſem fleiß anzündet werde/ alſo das weder teüffel/ l̄nd oder welt Chriſtum den grund vnſers glaubens hoffnung vnd liebe vns entziehe. Hierinēn auch beſchriben iſt/ wie auß gnaden alle l̄nd verziget/ wie die widergepornen inn Chriſto erledigt werden. Von geheimn̄ß des tauffs am creütz. Vom kinder tauff/ wie ſy in todt Chriſti getaufft. Von bezeichn̄ß eins Chriſtlichen lebēs. Vnd von vrteil. Welchs denen wol zû mercken were/ ſo zû vnfern zeitten/ vil vntüchtiger fragen anrichten von jhener welt/ auſſerhalb der gſchriſt. Hie haben wir auch vom tē

Theologen
zû vnfern
zeitten auß
Auguſtino.

Merck.

Poſſido-
nius.

Auguſtini
b̄cher inn
Griechiſch
ſprach ver-
tolmetſcht.

Das b̄ch
von warer
Religion.

Enchiridiō
vō glauben
hoffnung
vnd liebe.

pel der drifaltigkeyt/ fo da ift die heylig kirch. Von der kirchen im himmel/ die
kein böfen hat. Von widerbringung aller ding durch Chriftum. Von verzei-
hung der fünd/ vnd büßwürckung fo in der kirchen feind.

Jtem wie man mit almüfen/ mit tüglichem gepett/ der fünd abkumpt.

Jtem das ein almüfen ift einem menfchen der es begeret/ verzeihen. Jha

das das ein aller gröffeft almüfen ift/ auß hertzen verzeyhen/ fampt einer

A iij kurtz

a4^v

Vorred

	kurtzen außlegung des Vatter vnfers/ alles nutzlich vnd lieblich zů lefen.
Das bůch von warer vnfchuld.	Das bůch Von warer vnfchuld/ hat eytel kurtze vnd hůpfche sententz/ die des halben wol mōgen Apophthegmata geheiffen werden/ vn̄ nit ring ſchetziger feind/ dann der alten hochgeachte ſprůch/ dann wie die Edelgeſtein das golt/ alfo diſe ſo wichtige doch kurtze ſprůch/ die bůcher Auguftini/ hin vnnd wider zieren vnd ſchmucken. Vnd zů gleicher weiſß in den kleinē thierlin/ als da iſt ein ſpynn/ ſchnack/ oder dergleichen offt ein grōffer mirackel der natur dañ in eim Elephanten erfcheinet/ alfo feind diſe ſprůch/ wiewol ring im anfehen/ doch gantz meifterlich geſetzet. Mich hatt offt verwundert/ wie doch die lieben menner/ ſo zů vnfern zeitten die göttlichen geſchriſften mit Comētarien außgelegt/ ſo kurtz offtermals/ aber ſo verftendig von eim handel.
Gleichnus.	Es fey vō Sünd/ Glatz/ Gnad/ Gab/ Glaub/ Gerechtigkeit/ Fleiſch/ Geift 7c. gemōcht ſagen. So ichs aber hie beſichtigt/ hab ich wol gefunden/ was in dienſtlich gewefen iſt. Alfo das wie die alten Rōmer etwan von groffen ſachē radts gefragt (wie geſehen wůrt in Digetiſ) mit eim Apophthegma/ das iſt/ mit eim kurtzen feynē ſpruch geantwort/ das auß diſem bůch von Warer vnfchuld/ oder wie es funft die Sententz vnd Sprůch Auguftini geheiffen/ mag ergriffen werden/ wie man auff yede frag/ wie wichtig ja die ſelbig fey/ in den hāndlen gottes antworten folle.
Commentarien vnferer zeit.	Wie iſt aber das bůch Auguftini/ Von Natur vnd Gnad an Timafium vnd Jacobum/ ſo wol zů lefen/ wider diß Ehebrecheriſch vnd boßhafftig gepurt der menſchen/ die durch die natur yhr fünd begeren zů beſchōnen vnnd mentlen? Alda lefen wir/ wie dann auch in der Epiftel zun Rhōmern/ das alles fünd fey/ das durch den glauben nit gerechtfertigt/ vnd durch das blůt Chriſti nit gewefchen iſt. Das die gnad Chriſti nit auß verdienft/ funder frey vmb funft/ wiewol nit yedermann gegeben wůrt. Vnnd hiemit der yrrthůb Pelagij/ der den menſchen auß ſeinen krefften wil felig machen/ alle ſpandern abgehawen werden. Dann ein mal für all/ war iſt/ wie Chriſtus ſagt. On mich ſo vermōgen yhr nichts. Item/ Was haftu/ das du nit empfangen habelt? Doch das wir mit forcht vnd zittern/ nit mit frecheit vnnd vermēfenheit wandlen/ funder des geſcheffts der feligkeit vns ernftlich annemmen follen. Auch warumb die exempel deren ſo gefündigt haben/ beſchriben/ das außgenummen/ die aller feligft junckfraw Maria/ von welcher/ ſo man vō fünden redet/ gar nit foll gedacht werden/ funft yedermann von nōtten/ ſich můß ein fűnder bekennen/ mit einfűrung der ſprůch Hilarij/ Ambroſij/ Joannis Conſtantinopolitani/ Sixti/ vnnd Hieronimi/ der Rhōmiſchen priefftern/ wes der yeder von freyem willen gehalten. Vnd wa in diſem bůch von Natur vnd Gnad/ nichts mehr were dann die iij. letften Capitel/ folt der Lefer ſich nit zů beklagen haben.
Apophthegma.	
Das bůch von Natur vnd Gnad.	
Yrrthumb Pelagij.	
Exempel deren ſo gefündigt.	
Maria.	

Bücher von
Fürfehug
vnd Behar-
ligkeit.

Was sol ich aber zû letft sagen/ von den zweyen bûchern/ Von Fürfehūg
der heiligen/ vnd wie ein gūt ding sey vmb beharligkeit? das können schrifft-
liche vnnnd chriftliche bûcher sein. Welche der beilig biſchoff Auguftinus vaft
die aller letften gefchriben. Vnnnd wie der ſchwan/ fo er ſchier ſterben wil/
gar ein ſüffeß gefang hat/ alfo diſer theüwer mañ/ da er ſchier mit dem frum-
men Simeone begert im friden hinzûfaren/ hat er diße bûcher nach ſo vilen
laſſen außgon/ vñ in denē bōden gar lieblich vñ holdfelig gefungē. Wie man
allein auß gnadē zû got kuñe/ D3 der glaub gotes gab ſey/ on angefehē d3 er
von

a5^r

Vorrede

von vns erfordert würt. Das beharligkeyt auch gottes gab feye .7c. Die zwē mañ gottes Proſper vnd Hilarius haben mit jren briefen Auguſtino des vrſach geben/ darumb ich die brieff jr böder auch verteüfcht vnd hieher als argumenta vnd inhalt böder bücher hab ſetzen laſſen. Es iſt ein wichtiger hoher handel/ in vnſerm Chriſtlichen glauben vmb die ewig fürſehung gottes/ dannenhâr vrſprünglich fleußt/ wer glauben/ wer nit glauben foll/ von lünden ledig oder nit ledig werden/ wie dann Paulus zûn Rôm. am. ix. x. vnd. xj. cap. handelt vnd zûletzt außſchreyet. O ein welche tieffe der reichthumb beide der weiß heyt vnd der erkantniß gottes/ wie gar onbegreiflich ſeind deyne gericht/ vnd onerforſchlich ſeyne weg. 7c. Es volget aber Auguſtinus der ordnung ſo Paulus inn ſeiner Epiftel haltet/ bekümmert ſich zû vor mit Chriſto vnnnd dem Euangelio/ auff das wir vnſere lünd vnnnd die gnad Chriſti recht erkennen/ mit der lünd ſtreitten/ in glaub/ hoffnung/ liebe/ vnnnd warer religion leben/ vnd vnder dem creütz vnd leyden vns gelaffen erzeygen/ als dann iſt die beſchreibung der fürſehüg dem nutz der predig gar nit zû wider/ macht auch nit verzagt/ oder verrücht leüt/ ſonder wie Chriſtus mit der fürſehung im Euangelio oft tröſtet/ alfo werden die verordneten jns ewig leben/ dadurch in frid/ freüd/ troſt vnd hoffnung/ wider die lünd gefürt/ vnnnd verſiglet/ alfo das gott warhafftig fey/ des zeügkniß ſye inn yhnen haben/ welche iſt das Gott vns das ewig leben geben hat/ vnnnd das diß leben in ſeinem ſun iſt. j. Johan. v.

Poſper
Hilarius.Ein hoher
handel aber
tröſtlich.

Nun Gnediger Fürſt vnnnd Herr. Diße bücher Auguſtini hab ich diſen winter vergangen zûgerüft/ bey mir betrachtend/ das wie zû ein großmechtigen langwirigen gepeüw/ eben vil ding gehören/ vnnnd aber etwañ die ringſchâtzigigen wol ſo nottig ſeind/ als die aller theüreften/ vnd ein yedes ſein ſtatt vnnnd platz doch zû ſeiner zeit findet/ wie dann da der tempel durch Salomonem gepauwen/ groß mechtige künig vnnnd herren/ jm marmor/ helffenbein/ gold/ vnd edel gſtein zû ſandten. Etliche andere geyſſen vnd zygen fell. 7c. vnd was doch nichts/ das nit zû zierd diſes pauws gebraucht warde. Alfo will ich faſt wolzûfriden ſein vnnnd gern hören/ das andere verftendigere vnd erfarnere/ die fürnempften ſtuck zû diſem wichtigen gepeüw eines freyen Chriſtlichen Concilij anſehen zû zimern bedencken vnd zû beradtſchlagen.

Gepew des
Salomonis
tempel.Gepew vnd
radtſchla-
gung für
ein chriſtlich
Concilium

Wie einhellige prediger vnd verkünder des wort gottes in gantzer Chriſten heyt angericht/ an denen die Oberkeyten vnd jre vnderthonen gottes vnſers herrn Jefu Chriſti willen lernetten.

Wie das vnfreüntlich/ onbrüderlich/ onchriſtlich leben auß der Chriſtēheit hingnummen/ vnd mer gotsforcht/ freüntlikeyt/ lieb vnd eynigkeit bey geiſtlichen vnd weltlichen folgen möge.

Wie Oberkeyten vnd vnderthonen einander mit liebe/ dem band der voll-
tummenheynt möchten angehafft werden. Die vndern willig zu gwörff/
fteüwer/ zoll/ tribut/ vnnd burgerlichen beſchwerden. Die obern aber ein-
gedenck/ das ſye auch ein herren im himmel haben/ auff das freündtlicheit
vnnd leydlicheit mit yhren vnderthonen handeln/ daruon dann auch im drit-
ten Toletaner Concilio beſchloffen/ das inn den Concilien nitt allein biſchoff
fonder auch weltliche richter/ amptleüt/ vnnd Rentmeiſter ſich ſaſſen ſol-
ten/ vnnd lernen/ wie freündlich/ gerecht/ vnnd gottfelig ſye mitt jren vnder-
thonen

Das iij. To-
letaner Con-
cilium.

a5^v

Vorred

- Richard künig in Hispania. thonen handeln folten/ vnd weder mit onbillichen zöllnen vnd onmäßigen überlegnen schatzungen ly quetschten/ vnd was diß ein decret Richardi des künigs in Hispania.
- Kirchen gütter. Wie die wichtigen groffen gefell/ so die theuren lieben altfordern/ als gots gaben so reylich dargestreckt/ offt jr natürliche nechtfuerwandten erben bebraupt/ auß eyfer die eer gottes zů fürdern/ vnd der nachkommenen wolfart zůschaffen/ zůbedencken/ in bessere breuch/ zůr zucht der edlen vnd onedlen jugent/ zůr auffpflanzung gelerter verftendiger Jugend/ die gemeinem nutz in zůkunfft/ zů allen fettlen/ wie man sagt/ dienen möchte.
- Gequelt gwißen. Wie vilen bekümmerten angefochten yrrigen Confcientzen so hochs so niderftands/ die so vil als mit gewalt zůn funden getriben/ in hohen vñ nidern ftiften in allerley Clößtern/ offt jr ellend/ verzig vnd anders beweynen/ für vnnd für gequelt werden/ hie die hell haben/ vnnd die weil ly inn lünd so vil als mit gewalt getrungen/ wenig troft des himels haben mögen.
- Der ketzerei zůwören. Zůletzt wie warer ketzerey mit bescheidnem Chriftlichen ernst zů weren/ dz dem bösen tapffer gwöret vñ niemant zůkurtz beschehe. Dañ nit gnüg ist anklagen/ sunft wurde ye niemäts onschuldig sein mögen. Vnd foll aber billich aller Chriftlichen erbarkeyt/ ein ketzer/ ein verhaßt ding sey. Tit. iij. Dañen hār der alten keifer ernst so häfftig wider ly gewesen/ das jre gschrifften mitt feüwer verbrant/ vnd der einen ketzer horte lesen/ in meinung ym nachzůfolgen zehen marck golds geben müßt. Den ketzern kein gewalt gegeben/ testamēt auffzůrichten/ noch anderer Legaten vnd gemacht empfaßen. Yhre gütter keyferlicher kamer zů fyelen. Der ly beherbergt/ öffentlich mit kolben geschlagen/ vnd in sumā ly gar zů keinen eeren gebraucht. Wiewol die eltesten Concilia alweg auffß mitelst mit yn gefaren/ vnnd das vierdt Concilium zů Carthago auch zůgelassen/ das jre gschrifften gelesen wurden. So hat vnser Auguftinus für die Donatisten/ die nitt allein schedliche ketzer/ sonder auch graufame mörder waren/ die er wüßt das ly seinem leben nachtelletten/ bey den keyferlichen amptleüten/ gepetten/ man wolte nit leibstraff gegen jn fürnemen. Als der hoffnüg ly folten bessern bericht annehmen vnd nitt verderbē. Auch sunft auß den büchern Auguftini/ wol zůuernerē/ wie ly mit reuerēt vnd eererbietung feind gehöret worden/ vnd in disen büchern lißet man auch wie faft vnd weit die kirch die ketzer tulden möge/ wie ly dann leider böß heyden Juden vnd andere tuldet/ vnd man hierin findet wie vil vnd mangerley secten der kirchen auch nützen/ dañ solche die gleübigen vom schlaff erwecken vnd ermundern.
- Augufti. Aber difes alles gegründt/ rechtmellig vñ wyrig zů beradtchlagen/ für zůnemen/ vnd in ein gang vnd wesen zůbringen/ sampt vil andⁿ artickeln (dañ diße wenig allein exempel weiß hieher gsetzt) wa mā nit von einander begert

Nutz der
Teütfchen
bücher.

zûfcheiden/ es were dañ die kirch in glauben/ fitten/ in haupt vnd glider refor-
miert/ wirt nit ein arbeit eins tags oder eins jars/ fonder wirt wol mögen be-
fchlaffen werdē (wie wir pflegen zûfagen). Mitler zeit bin ich nur gantz güt-
ter zûuerficht das neben Biblifcher gſchrifft/ die den preiß vnd vorgang alzeit
haben foll/ der fruñ gotsfórchtig lay/ fo hoch fo niderftands dem gottes eer
angelegen íft/ vnd der die fachen gern gútt vnd recht lehe/ werde mit nutz dife
vnd andere Teütfche bücher fo mit der zeit durch gottes hilff mer erfür kum-
men follen/ lefen mögen/ vnd zû etzölten handlungen vil darauß lernē vorab
fo er ſich mit faftē/ wachen vnd betten/ zûm Cōcilio bereydet wie vor gnanter
Richardus

a6^r

Vorred

Richardus künig zû Hifpania im dritten Toletaner Concilio den bey litz ermanet.

Alfo nun Hochgeporner fürft Gnädiger herr/ feyen diße bücher Auguftinides heiligen Biſchoffs/ ſampt difer meiner vorred/ E. F. G. darumb züge ſchriben/ das die ſelbig ein befunder liebhaber warer Chriftlicher leer/ frids vnd einigkeit vnnd wolfart gemeiner chriftenheit vnd Teütfchs lands/ von vilen hoch vnd recht verftändigen gehalten würt/ vnnd die ſachen allenthalben/ mit allen ftänden der Chriſtenheit gern güt vnd fridlich ſehe/ damit die ſelbig E. F. G. ſampt andern hochuerftändigen/ hoch gebornen fürften vnd herren/ deſt mehr vrfach habe zû bedencken vnnd zû hertzen zû fallen/ wie jha eyneft mit Chriftlichen mitlen/ den bekümmerten händlen/ möchte begegnet werden. Darzû dann/ wie wir nun vil jar her woll zû wiffen ift/ die hochgelerten Edlen E. F. G. rådt vnnd diener/ Johann Knoder/ doctor der rechten/ vnd Jacob Thruſches von Reynfelden/ ſampt andern yhrs vermögens vnd verftandts zû radten helffen vnd arbeiten/ gantz chriſtlich gefyñet ſeind auff das eineft/ wie geſeſen würt das die alten Concilia alfo ſeint angefangē worden/ Pofitis in medium Euangelijs/ als man in mitte die beiligen vnnd onuerletzten Euangelia gelegt/ das wir auch ein ſollich Concilium erleben möchten/ od⁹ ja auffſ wenigft erwünſchē/ ſo es nit beffer ſein mag/ da nichts definiert vnd beſchloffen wurde/ dann allein das hell vnd heyter auß götlichen geſchriſften volgte/ oder ſolliche ding on welche vnſer heyl vnd feligkeit nit beſton mag/ erkant wurde.

Johann
Knoder
Doctor.

Jacob
Thruſches
von Rein-
felden.

Als dann wurden nit auß pleiben die Exclamationes vnd außrüffungē/ wie ſye bey den alten in Concilijs über Künig/ Künigin/ Patriarchen/ Biſchoff/ Fürften vnd Herren erhollen vnd erfchollen ſeind. Jha wir/ die auß vmbſtenden der ſorglichen feltzamē zeit vnd leüff mit dem heiligen Polycarpo täglichs wol ſagen mögen. O Gott in was zeit haſtu vns gefetzt/ deſt mer vrfachen haben/ ſo alfo auff die eer gottes/ gemeinen chriſtlichen nutz/ vnnd ware erbarkeit gehandelt vnnd frid würde/ nit allein vom Concilio/ funder von aller Chriſtenheit auß zûſchreyen/ Glory vnnd eer ſey Gott dem vatter/ glory dem herren Chriſto/ vil jar dem Künig/ den Fürften/ den Oberkeiten/ die vätter ſeind/ die göttlich/ götlich/ vnd götter vnd gütthätter ſeind/ durch welche gott frid vnnd warheit in vnſern tagen gegeben. Der ſelbig geb yha eineft/ das wir Chriſten mit den alten vorfarn auch ſagen/ vnd außſchreyen mögen. Die allgemeinen Chriſten ſeind ein feel/ die brüder durch den glauben ſeind ein feel/ ſye alle ſeind Chriſti/ Chriſtus ift Gottes.

Außſchrey-
ungen in
Concilien.

Dem ſelbigen einigen waren Gott/ vnnd vnſerm herrn Jeſu Chriſto/ ſey E. F. G. yetzund vnd allweg zû wolfart götlichs lobs/ vnnd gemeines nutztes beſollen. Amen.

Geben Straßburg/ den zwentzigften tag
Marcij/ im Jar Dreyffig drey.

E. F. G.

alzeit gehorfamer Caspar
Hedio Doctor im Mün-
fter zu Straßburg.

a6^v

¶ An den Lefer.

ES folle der lefer kein verdruß haben/ ob er schon nit alle sententz vnnd namen allenthalben in Auguftino vermercken kan/ dann wa das folte angefehen werden/ wurde man treffelicher bücher vil/ in allen Sprachen ongelesen laffen/ dariñen oft d3 freilich niemand oder gar wenig eigentlich verfton mag. Müfte auch der lateinifch Auguftinus nit gelesen werden Were aber nit fruchtbar/ vmb weniger sententz vnnd won willen/ derwegen ein folichen fchatz fo wichtiger nutzer red/ von gottes dienft/ von der gnad Chriffti/ deren Auguftinus wie auch Paulus ein onüberwintlicher befehirmer ift/ von glauben/ hoffnung vnd liebe/ von vnſchuld 7c als onnüt3 ligen laffen. Yedoch fo hab ich etlich wenig wort mit jrem verftandt hieher verzeichnet/ auff das fouil möglich dem begirigen zûr leer geholffen wurde. Darzû aber wie in allen wichtigen gſchriſſten nit ondienftlich ift/ was einer nit auff ein mal vnd im fûrgang verfton mag/ das ers widerumb leße erwege vnnd beſchlaſſe. So man ſich entheütten vnd ſchinden laffen foll/ nach der meinung Platonis/ die weißheyt zû bekummen was arbeit folte dann vns Chriſten/ kinder desfridens vnd der warheyt zû vil fein: auff das wir zûm heil gelert wurden/ fo da ift in Chriſto Jefu.